



Tafsiira Suuratu Az-Zumar-Kutaa 4

Description

Ibsa aayah suuratu az-Zumar lakkofsa 7 keessatti dhimmoota shan garmalee ijoo fi barbaachisoo taâ€™an ni ilaalla.

﴿إِن تَكُفُرُوا فَإِنَّ اللَّهَ غَنِيٌّ عَنْكُمْ وَلَا يَرْضَى لِعِبَادِهِ الْكُفَّارُ وَإِن تَشْكُرُوا يَرْضَهُ لَكُمْ وَلَا تَزِرُ وَازِرَةٌ وِزْرَ أُخْرَى ثُمَّ إِلَى رَبِّكُمْ مَرْجِعُكُمْ فَيُنَبَّئُكُمْ بِمَا كُنْتُمْ تَعْمَلُونَ إِنَّهُ وَعَلِيمٌ بِذَاتِ الْأَصْدُورِ ﴾

â€œYoo kafartan, dhugumatti Rabbiin isin irraa dureessa. Garuu gabroota Isaatiif kufrii hin jaallatu. Yoo galateefattan, isa isiniif jaallata. Baâ€™aa baadhattuun baâ€™aa biraan hin baadhattu. Ergasii deebiin keessan garuma Gooftaa keessaniiti. Innis wanta hojjataa turtan isinitti hima. Dhugumatti, Inni beekaa wanta qoma keessa jiruuti.â€ Suuratu Az-Zumar 39:7

As keessatti dhimmoota ciccimoo gatii guddaa qabanii fi adeemsa namaa qajeelchan shantu jira.

Dhimma 1ffaaâ€“Jechi Rabbii oltaâ€™aa ni agarsiisa:

â€œYoo kafartan, dhugumatti Rabbiin isin irraa dureessa.â€

Namoonni baayâ€™een â€œGabbaramaan ibaadaa fi iimaana gabricha Isaa irraa faayda dhuunfaa argataâ€ jechuun yaada sobaa yaadu. Kanaafu, yaada sobaa kana deemsisuuf Rabbiin subhaanahu wa taâ€™aalaa iimaanaa fi ibaadaa namootaa irraa dureessa akka taâ€™ee beeksisuun wanta barbaachisuudha. Suurah tana keessatti haala gabaaban namoota hunda akkana jechuun dubbisaa: â€œYoo kafartan, dhugumatti Rabbiin isin irraa dureessa.â€ Kana jechuun Yaa namoota Rabbii Gooftaa keessan taâ€™etti amanuun keessan, Isaaf ajajamuun, ibaadaa irraa wanta Inni jaallatuun itti

dhiyaachuun keessan mootummaa Isaa keessatti homaa hin dabaluuf. Yoo amanuu diddan, sifaata (amaloota) Isaa mormitan, qananii Isaa isin irra jiru waakkattanii fi haala itti fufaa taâ€™een Isa faallessitan, dhugumatti isin mootummaa Isaa irraa homaa hin hirâ€™istan. Beekaa! Rabbiin Zaataa fi Sifaata Isaatiif isin irraa dureessa.

Dhugaa kanaan wal qabatee, *iimaanni nama amanee, ajajamuun nama ajajamee, jaalala Gooftaa isaa argachuuf ibaadaan namni hojjatu hundi faaydaa fi fooyyaâ€™iinsa nafsee isaatiif qofa*. Sababni isaas, jireenyaa qormaataa hojii gaariin erga xumuree booda jirenya lammataa keessatti Gooftaa isaa biratti mindaa bareedaa fi gammachuu abadii (zalaalamii) argata.

Ammas dhugaa kanaan wal qabatee, *kufriin nama kafaree, badiin nama badii hojjatu, daangaa darbuun nama daangaa darbuu hundi faallaa faaydaa fi fooyyaâ€™iinsa nafsee isaati fi of miidhudha*. Sababni isaas, jirenya qormaataa hojii badaan erga xumuree booda jirenya lammataa keessatti, Gooftaa isaa biratti, adabbii haqummaa irratti hundaaâ€™e adabama, gammachuu dhabuu fi rakkoo abadiitu isaaf jira.


Rabbitiin akkamitti gabroota Isaa irraa dureessa hin taanee, wanta fedhee uumuu fi wanta fedhe hojjachuu irratti dandaâ€™aa taâ€™ee osoo jiruu?

Dhimmi 2ffaa: â€œGaruu gabroota Isaatiif kufrii hin jaallatu.â€

Dhugumatti Rabbitiin azza wa jalla zaataa fi sifaata Isaatiin guutumaan guututti guutuu kan taâ€™eedha. Sifaanni Isaa guutuu waan taâ€™aniif kufrii, badii, waakkachuu, zulmii (cunqursaa, miidhaa), daangaa darbuu fi amaloota hirâ€™uu fi kufan biroo ni jibba.

Rabbitiin subhaanahu wa taâ€™aalaa ilmaan namaa iddo qormaataa erga kaaâ€™ee dandeetti haqaa fi soba, kheeyri fi sharrii, guutuu fi hirâ€™uu hubachuu isaaniif kennee fi filannoo wanta fedhan ittiin filatan isaan keessatti erga uumee, gabroonni Isaa kufriidhaan akka ibsaman hin jaallatu. Kana irra, isaaniif jibba.

Inumaa wanta kufrii gadii kan akka badii gurguddaa fi amaloota hanquu ni jibba. Kana ilaachise suuratu Israa keessatti wanti dhufe ni agarsiisa. Amaloota gaggaarii itti ajajee fi badii gurguddaa irraa dhoowwee erga tarreesee booda dhumarrattiakkana jechuun ibse:



â€œSuni hundi badiin isaa Gooftaa kee biratti jibbamaa taâ€™eera.â€ Suuratu Al-Isra 17:38

Rabbitiin tabaarakha wa taâ€™aalaa badii hunda isaatu ni jibba. Garboonis badii kanaan filannoo ofiitiin akka ibsaman hin jaallatu.

Dhimma 3ffaa- â€œYoo galateefattan, isa isiniif jaallataâ€ Kana jechuun Rabbiti oltaâ€™aa aangoon Isaa guddate, Isatti amanuu, Isaaf harka kennuun, gadi jechuun, ajajamuu fi wanta Inni jibbuu dhiisuun Isa yoo galateefattan, dhugumatti Inni kana isiniif jaallata.

Mataan shukrii (galata galchuu): Iimaana (Rabbii oltaâ€™aatti fi wantoota Inni beeksisetti amanuu), Rabbiif harka kennuu fi gadi jechuudha. Ergasii wanta Inni itti ajaje hojjachuu fi wanta Inni dhoowwe dhiisudha.

Akka lugaatti, hundeen hiika shukrii (galateefachuu)- tola kan namatti oolee hojii tokko hojjachuun ykn dhiisun wanta inni jaallatuun isaaf deebisuudha. Faarsu fi maqaa gaariin kaasun tarii galata keessa galuu dandaâ€™a. Garuu faarsu fi maqaa gaariin kaasuun wantoota buâ€™uuraa shukrii keessatti barbaadamu hunda of keessatti hin qabatu.

Dhimma 4ffaa: â€œBaâ€™aa baadhattuun baâ€™aa biraahin baadhattuâ€ Qurâ€™aana keessatti ibsi kana fakkaatu irra deddeebiâ€™e dhufa. Suurah tana keessattis wanta dursee dhufe jabeessuu fi siritti mirkaneessuuf ni dhufe. Kaayyoon kana irra deddeebiâ€™uu fi jabeessuu yaada sobaa namoota baayâ€™ee keessatti hidda qabate buqqisuu fi haaqifi. Yaanni kunis: â€œenamoonni gagaariin Gooftaa addunyaa hundaatti dhiyoo taâ€™an badii yakkamtootaa ni baadhato. Haala kanaan adabbii jalaa nagaha ni bahu.â€ kan jedhuudha. Namoota sanyii Nabiyyootaa fi Ergamtootaa irraa taâ€™anii fi jaalala daangaa darbe jaallatan biratti yaanni sobaa kuni qooda guddaa qaba. Inuma yaanni kuni amantii dhiibbaa guddaa isaan irratti geessu taâ€™ee jira. Amantiin Kiristaanaa, â€œIyyasuus (nageenyi isarratti haa jiraatu) cubbuu namootaa baadhata. Namoonni cubbuu hojjatan adabbii jalaa akka bahaniif nafsee ofii ajjeechaaf kenne.â€ Jedhu irratti dhaabbate.

Kuni dhara iblisaati. Ibliisni (sheyxanni) mala kanatti fayyadamee namoonni cubbuu fi badiitti akka taranii fi keessatti hafan barbaada. â€œIyyasuus cubbuu keenya nurraa baadhatee jira, nuuf jedhee fannifamee ajjeefame.â€ jedhanii waan yaadaniif cubbuu fedhanitti taru. Gooftaan ilma Isaa tokkicha erguun cubbuu namoota irraa akka baadhatoof ajjeefame jechuun kijibaa guddaa Rabbii oltaâ€™aa irratti odeessu. Kijiba isaan uuman irraa Rabbiin qulqullaaâ€™e oltaâ€™e (subhaanahu wa taâ€™aalaa).

Jecha Rabbii oltaâ€™aa â€œBaâ€™aa baadhattuun baâ€™aa biraahin baadhattuâ€ jedhu irraa wanta armaan gadii ni hubanna: nafseen baâ€™aa baadhattu kan dhimmi ishii baâ€™aa (badii) ofii hojjatte baadhachuu taâ€™e, baâ€™aa nafseen biraahin hojjattee hin baadhattu.

Akka lugaatti â€œewizrâ€ jechuun baâ€™aa ulfaata dha. Baâ€™aa ulfaataa keessaa tokko meeshaa lolaati.

Zanbii (badiitti) lixuu fi cubbuu hojjachuun wanta namni baadhato keessaa baâ€™aa ulfaatan waan wal fakkaatuuf, jecha â€œewizrâ€ jedhu â€œzanbii (badii)â€ namni filannooh hojjatu ibsuuf itti fayyadaman.

Kana booda ibsi aayah: â€œBaâ€™aa baadhattuun baâ€™aa biraahin baadhattuâ€ Kana jechuun nafseen badii hojjattu badii nafsee biraahin baadhattu. Badii hojjatteen malee badii nama biraatiin hin qabamtu. Namni hundu wanta hojjateen qabama.

Kanarraa kaâ€™uun, Rabbii Injifataa taâ€™e biratti badii irraa gaafatamuun itti gaafatamummaa dhuunfaati (personal responsibility). Shakkii hin qabu, kuni wanta haqummaan Rabbii barbaachisuudha. Akkasumas, sammuun nagahaa taatee fi safartuun sirriin barbaachisuudha.

(Mee itti haa xinxallinu! Namni yakka hojjatee mana murtiitti yommuu dhiyaatu, yakka isaa namni biraan baadhachuu dandaâ€™aa? Haqummaan, namni yakka hojjate adabamuudha. Kanaafu, Rabbii oltaâ€™aa biratti namni cubbuu hojjate hundi cubbuu hojjateen qabama, cubbuu nama biraan hin baadhatu. Haala kanaan, yaanni kiristaanota, â€œIyyasuus cubbuu keenya baadhataâ€¢ jedhu soba taâ€™u ni hubanna.)

Dhimma 5ffaaâ€¢â€œErgasii deebiin keessan garuma Gooftaa keessaniiti. Innis wanta hojjataa turtan isinitti hima. Dhugumatti Inni beekaa wanta qoma keessa jiruuti.â€¢

Kana jechuun jireenyi qormaataa isin qoramuun keessa dabartan tuni erga xumuramtee boodaa Guyyaa Kaafamaa (Qiyaamaa) keessa Aakhiraa fi Guyyaa Murtii qunnamuuf ni kaafamtu. Guyyaa Murtii deebiin keessan gara qoranloo fi murtii Gooftaa keessaniiti. Yommuu isin iddo murtii Isaa keessatti walitti qabamtan, isin qorachuuf, murtii dabarsuu fi mindaa kafaluuf jirenya qormaataa keessatti wanta hojjataa turtan isinitti beeksisa.

Guyyaa Qiyaamaa Rabbiin hojji keessan irraa wanta qaamolee alaa irraa mulâ€™atuun qofa waan isin qoratu isinitti hin fakkaatin. Kana irra, fedhii keessaniin wanta qalbii fi nafseen teessan hojjatteen isin qorata. Kan akka kufrii, niyyaa badaa, fedhii sharrii adeemsa namaa keessatti dhiibbaa fiduu, babalâ€™innaa haqaa fi diinii Rabbiin (Islaama) gargaaruu dhoowwu fi miidhuuf yaadan mala dhayuu, haqa fi jechi Rabbiin oltaâ€™uu jibbuu fi kkf. Wantaa qalbii fi nafseen hojjatte kanaan haqummaadhaan jazaa (adabbi) isiniif kafala. Faallaa kanaa immoo, namoota Rabbiin sodaatan, hojji gaggaarii baayâ€™ee hojjatanii fi namoota ibaadaa miidhagsanii fi toltaa hojjatan, hojji Inni jaallatu qalbii fi nafseen isaanii hojjatteef mindaa guddaa kennaaf.[\[1\]](#)

Dhugumatti Inni beekaa wanta qoma keessa jiruutiâ€¢ kana jechuun dhugumatti Rabbiin iccitii dhokataa nafsee fi wanta qomni dhoksitu hunda Kan beekudha.[\[2\]](#) Wanta namni qalbii isaa keessatti dhoksee fi kuuse hunda ni beeka. Rabbiin subhaanahu wa taâ€™aalaa â€œInnis wanta hojjataa turtan isinitti hima.â€¢ erga jedhee booda â€œDhugumatti Inni beekaa wanta qoma keessa jiruutiâ€¢ jedhee dubbachuun, qorannoon Guyyaa Qiyaamaa wanta qalbii keessa jiru irratti akka taâ€™u akeeka. Akkuma suurah biraan keessatti jedhe:

﴿إِنَّهُ وَعَلَىٰ رَجْعِهِ لَقَادِرٌ ① يَوْمَ تُبْلَىٰ الْسَّرَّايرُ﴾

â€œDhugumatti, Inni isa deebisuu irratti dandaâ€™aadha. Guyyaa iccitiawan qoratamanâ€¢ Suuratu Xaariq 86:8-9

Kana jechuun Rabbiin bishaan dadhabaa irraa nama uume duâ€™aan booda isa deebisu irratti dandaâ€™aadha. Guyyaan namoota duâ€™an deebisu kunis Guyyaa iccitiin namni dhokse hundi qoratamuu fi ifa bahuudha. Badaa fi gaariin addaan baafama. Ammas suurah biraan keessatti ni jedha:

﴿أَفَلَا يَعْلَمُ إِذَا بُعْثِرَ مَا فِي الْقُبُورِ ⑩ وَحُصِّلَ مَا فِي الصُّدُورِ﴾

â€œ**Sila hin beeku yeroo wanti qabriiwan keessa jiru baafame, wanti qoma keessa jirus ifatti baafame?**â€ Suuratu Al-Aadiyah:9-10

Qorannoo fi jazaaf yommuu Rabbiin subhaanahu wa taâ€™aalaa namoota duâ€™an qabrii keessaa ol yaasu fi kheeyri ykn sharrii irraa wanti qoma keessatti dhokfame ifatti baafamu san, sila namni wanta isa eeggatu hin beekuu?[\[3\]](#)

Guyyaa Qiyaamaa qorannoo fi jazaan wanta qalbii keessa jiru irra naannaâ€™a. Addunyaa keessatti immoo wanta hojii gubbaa mulâ€™atu irra naannaâ€™a. Kanaafi, Nabiyyiin (SAW) akkuma Muslimoota keessumeessu munaafiqotas keessumeessa. Sababni isaas, munaafiqonni Islaama agarsiifataa turan. Nutis namoota wanta hojii isaanii irraa mulâ€™atuun isaan qoranna. Iccitiiwan isaanii Rabbiif dhiifna. Aakhiratti immoo qorannoon wanta qalbii keessa jiru irratti taâ€™a.

Kanaafi, namni fayyummaa qaamaa isaa dura fayyummaa qalbii isaatti xiyyefannoo kennuu qaba. Sababni isaas, fayyummaan qaamaa namootatti kan garagaluu fi mulâ€™atuudha. Garuu fayyummaan qalbii namaa fi Gooftaa isaa jidduutti kan taâ€™uudha[\[4\]](#)

Kitaabban wabii:

- [\[1\]](#) Maâ€™aariju tafakkur wa daqaaâ€™iq tadabbur-12/165-170
- [\[2\]](#) Tafsiiru Muyassar-459
- [\[3\]](#) Madda olii-600
- [\[4\]](#) Tafsiiru Qurâ€™aanil kariim-Suuratu Zumar-fuula 74, Ibn Useymiin

Date Created

February 22, 2020

Author

admin